

KENYATAAN MEDIA

PENDUDUK ARA SENDAYAN LAKSANA PROGRAM KITARecycle

SEREMBAN, 14 MAC 2023 – SWM Environment Sdn Bhd (SWM Environment) menjalin kerjasama strategik bersama Persatuan Penduduk Ara Sendayan, Bandar Sri Sendayan bagi menjalankan kutipan barangan kitar semula secara bersasar melalui program KITARecycle dari rumah ke rumah di Negeri Sembilan.

Pengurus Besar Korporat SWM Environment, Tuan Haji Mohd Norlisam bin Mohd Nordin berkata, kutipan bersasar barangan kitar semula ini melibatkan sejumlah 1,224 buah rumah dilaksanakan bagi memperhebatkan lagi program kesedaran KITARecycle melalui pendidikan amalan pengasingan di punca dan 3R (Kurangkan, Guna Semula dan Kitar Semula) disamping menggalakkan penduduk mendaftar sebagai ahli KITARecycle. Jadual kutipan adalah pada **setiap hari Selasa**, dan penduduk diminta untuk meletakkan barangan kitar semula **sebelum jam 7:30 pagi** dengan menampal atau menulis nombor kod QR dan meletakkannya di tepi tong sampah beroda.

“Pendidikan dan pelaksanaan aktiviti kitar semula secara bersasar didapati dapat membantu peningkatan penglibatan orang ramai contohnya seperti di Taman Vision Homes, Seremban 2. Mereka terlibat dengan program KITARecycle sejak tahun 2019 dan sehingga Februari 2023, yang telah berjaya mengumpulkan 170 ribu kilogram barangan kitar semula dari dilupuskan ke tapak pelupusan. Selain itu, program kerjasama bersama pemaju hartanah IJM Land Seremban 2 juga tidak terkecuali mengguna pakai program KITARecycle dari tahun 2022 yang telah mengumpulkan sebanyak 26 ribu kg di Seremban 2 dan S2 Heights” tambah beliau.

Selain kemudahan fasiliti dan pendidikan sedia ada yang digerakkan oleh SWM Environment seperti Pusat Pandu Lalu KITARecycle yang dibina di Wisma MBS, Majlis Bandaraya Seremban, Pusat Komunikasi, Pendidikan dan Kesedaran Awam (Hab CEPA) di Perpustakaan Awam Negeri Sembilan dan kenderaan bergerak KITARecycle yang menjelajah segenap pelusuk Negeri Sembilan oleh pasukan 3R Troopers, SWM Environment mengalukan kerjasama strategik dari pelbagai pihak termasuk pemaju perumahan, agensi kerajaan, swasta, institusi pendidikan, badan bukan kerajaan (NGO) serta komuniti setempat bagi bersama-sama mengubah tingkah laku orang ramai terhadap amalan kitar semula selaras dengan Matlamat Pembangunan Lestari yang memfokuskan kepada teras penggunaan dan pengurusan sisa pepejal secara berkesan bagi memastikan keseimbangan dan kelestarian alam sekitar terjamin.

-TAMAT-



SWM ENVIRONMENT

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Nurul Liza Binti Mohd Najib

Penolong Pengurus

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Negeri Sembilan)

Tel : 06 – 6014280/ 012 – 684 7168

E-mel : nurulliza.najib@swmsb.com